

Elsa Geerman-Dubero ganador di premio promocional Santa Cruz

ORANJESTAD(AAN)-
Comicion Premio Promocional
Santa Cruz tin e grato placer di
anuncia nan a yega na
nombracion di un persona pa e
Premio Promocional santa Cruz
pa aña 2004.

E persona aki ta sra. Cirila Eliz-
abeth Geerman Dubero,
cariñosamente yama Elsa.

Elsa ta casa cu Matias Geerman
y nan tin cuatro jiu, dos homber
y dos muher.

Sra. Elsa tin 4 nieto.

MERITONAN

For di principio di añanan 70 te
cu añanan 90 Elsa tabata hopi
activo den parokia di Santa
Cruz, tanto riba tereno social
como deportivo.

Pa hopi aña e tabata miembro di
Legion di Maria di cual
organizacion e tabata presi-
dente pa un periodo di 4 aña.

Tambe e tabata miembro di
Koor y di Parochieraad.

Den e funcionnan aki Elsa a
yuda organiza ferianan, e tabata
parti Hostia den Santa
Comunion y tabata bishita
enfermonan den parokia y na
hospital.

Despues cu frerenan a retira
Elsa a tuma manego di Club
Estrella over y a sigui stimula y
guia hubentud di Santa Cruz cu
tabata practica deporte.

Organizando actividadnan pa
crea fondo e tabata percura pa e
club keda den bon condicion.

Tambe den Carnaval Elsa
tabata hopi activo. Nos ta corda
e gruponan grandi cu sra. Elsa
hunto cu otronan tabata pone
riba pia.

Elsa ta propietario di Elsa's
Flower Shop.

Como persona cu semper a
stima su misa Inmaculada
Concepcion Elsa na varios
ocasion a tuma e dornamento di
e misa na su encargo.

Fresco den nos memoria ta
ainda con bunita dorna nos misa
di Santa Cruz tabata na ocasion
di su 150 aña di existencia.

Pa tur su meritonan sra. Elsa
Geerman-Dubero a keda
condecora den Orde di Oranje

Nassau. Y pa tur loke ta
menciona den e articulo aki
Comicion Premio Promocional

Santa Cruz a dicidi di nombra
sra. Cirila Elizabeth
Geerman-Dubero como e per-
sona pa ricibi e premio
Promocional Santa Cruz pa aña
2004.